

Lembaran Sejarah yang Hilang: Senibina dan Perkotaan Masyarakat Melayu-Nusantara di Singapura, 1810-1960



Dr Imran Bin Tajudeen

Profesor Penolong, Universiti Nasional Singapura

Tarikh: Rabu, 15 Februari 2012

Masa: 10.30pg - 12.30tgh

Tempat: LT 10 (NIE3-01-LT10)

Institut Pendidikan Nasional, NTU

Abstrak

Perdagangan, pemukiman dan senibina masyarakat Melayu-Nusantara di kota Singapura, terutama oleh golongan pedagang seperti suku Bugis, Jawa dan Melayu dari kota-kota pelabuhan lama seperti Palembang, Riau dan Melaka, membentuk lembaran penting dalam sejarah setempat awal abad ke-19. Ianya berlaku di sekitar Kampung Gelam, termasuk sebuah 'Bugis Town' dalam catatan awal British yang telah dipindahkan ke kawasan terancang 'Campong Bugis', atau nama lainnya Kampung Rochor, yang tempatnya kini menjadi Crawford Estate di sekitar Masjid Hajjah Fatimah (dahulunya Java Road, Palembang Road, Minto Road dan Sumbawa Road).

Dalam abad ke-19, kawasan kota ini menjadi tumpuan pelaburan hartanah para pedagang Nusantara dalam bentuk berbagai jenis rumah kedai, rumah deret dan rumah panggung. Senibina rumah Melayu dan Nusantara, baik yang di kota mahupun di luar, yang dibina daripada kayu, separuh bata mahupun yang seluruhnya dibina dari bata, dapat dilihat dari denah-denah bangunan Jabatan Kerja Raya Singapura zaman kolonial. Pelbagai model rumah panggung Melayu juga menjadi pilihan popular di kalangan kelas menengah berbilang kaum di merata Singapura. Sebahagian pedagang dan tukang kapal Bugis dan Palembang pula memilih untuk bermukim di sekitar Teluk Kallang, supaya kapal dagang mereka dapat berlabuh langsung ke rumah air yang berciri khas daerah asal mereka. Pembentangan ini menyingkap kepelbagaian senibina Melayu-Nusantara, termasuk beberapa masjid bersejarah yang berciri serantau, dan perannya dalam masyarakat majmuk Singapura.

Biodata:

Dr Imran bin Tajudeen bertugas sebagai Profesor Penolong di Jabatan Senibina, Universiti Nasional Singapura (NUS). Beliau memenangi Anugerah Buku ICAS PhD Terbaik (Sains Kemasyarakatan) pada April 2011 untuk disertasinya '*Constituting and Reconstructing the Vernacular Heritage of Maritime Emporia in Nusantara*' (NUS, 2009). Dr Imran pernah menjadi Zamil Pascakedoktoran di Program Senibina Islam Aga Khan di MIT, AS, dan di Institut Antarabangsa bagi Pengajian Asia (IIAS) di Leiden, Belanda, dengan kajian mengenai senibina masjid vernakular serantau yang membawa ciri pra-Islam atau melibatkan diaspora Arab, Tamil dan Cina serta jurubina Eropah (penjajah).



Anda dipersilakan hadir!



Harap berdaftar dengan Puan Saripah Basir (saripah.basir@nie.edu.sg) jika ingin menghadiri seminar ini.

Untuk keterangan lanjut, sila hubungi Penyelaras Siri Seminar Jalinan Budi, Dr Mukhlis Abu Bakar

(mukhlis.abubakar@nie.edu.sg).